



Broj: 01-50-1-15-35/16
Sarajevo, 9.8.2016.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.10.2016.			
Organizaciona jedinica	Klasifikaciona oznaka	Redni broj	Broj priloga

ZAPISNIK
35. sjednice Predstavničkog doma
Parlamentarne skupštine Bosne i Hercegovine,
održane 30.8.2016.

Sjednica je počela u 10,05 sati. Prisustvovalo je 37 poslanika.¹

Odsustvo su opravdali poslanici Nermina Kapetanović i Jovan Vukovljak.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu je pratio predstavnik OHR-a, a iz nevladinih organizacija prisustvovao je predstavnik CCI-ja, te predstavnici američke i hrvatske ambasade u BiH.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na zahtjev Komisije za finansije i budžet, izmijenjene su tačke 6., 7. i 8., te sada glase:

Tačka 6. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopunama Zakona o akcizama u Bosni i Hercegovini, predlažać: Vijeće ministara BiH, zakon broj: 01,02-02-1-1853/16, od 7.7.2016. (prvo čitanje), skraćeni postupak;

Tačka 7. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini, predlažać: Vijeće ministara BiH, zakon broj: 01,02-02-1-1854/16, od 7.7.2016. (prvo čitanje), skraćeni postupak;

Tačka 8. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda, predlažać: Vijeće ministara BiH, zakon broj: 01,02-02-1-1855/16, od 7.7.2016. (prvo čitanje), skraćeni postupak.

Nakon ovih napomena, predsjedavajući je otvorio raspravu o dnevnom redu sjednice.

¹ Nakon utvrđenog dnevnog reda, poslanici iz Kluba SDP-a napustili su sjednicu.

U raspravi su učestvovali: Denis Bećirović, Nikola Špirić, Momčilo Novaković, Senad Šepić, Nikola Lovrinović, Damir Arnaut, Damir Bećirović, Sadik Ahmetović, Saša Magazinović, Zaim Baćković, Diana Zelenika, Aleksandra Pandurević, Dušanka Majkić, Milica Marković, Predrag Kožul, Salko Sokolović, Maja Gasal-Vražalica, Mirsad Mešić, Željko Komšić, Mirsad Donlagić, Amir Fazlić i Staša Košarac.

Denis Bećirović predložio je dopunu dnevnog reda tačkom: „Informacija Vijeća ministara BiH o nelegalnom zakazivanju i organiziranju antidejtonskog i antiustavnog referenduma u bosanskohercegovačkom entitetu RS kojim se razbija Dejtonski mirovni sporazum“.

Poslanici Nikola Lovrinović i Predrag Kožul predložili su dopunu dnevnog reda tačkom: „Evropski dan sjećanja na žrtve svih totalitarnih i autoritarnih režima“.

Nakon toga pristupilo se izjašnjavanju o prijedlozima za dopunu dnevnog reda.

„Za“ prijedlog poslanika Denisa Bećirovića glasala su 23 poslanika (iz Federacije BiH 22, iz Republike Srpske jedan), 12 „protiv“ i pet „suzdržanih“. Predsjedavajući je konstatirao da nema potrebne entitetske većine. Kolegij kao komisija nije postigao saglasnost. U drugom krugu glasanja prijedlog za dopunu dnevnog reda **nije usvojen**. „Za“ su glasala 23 poslanika, 12 je bilo „protiv“ (iz Republike Srpske) i pet „suzdržanih“.

„Za“ prijedlog poslanika Nikole Lovrinovića i Predraga Kožula glasalo je deset poslanika (iz Federacije BiH pet, iz Republike Srpske pet), 15 je bilo „protiv“ i 15 „suzdržanih“. Predsjedavajući je konstatirao da prijedlog za dopunu dnevnog reda **nije usvojen**.

Nakon što prijedlog Denisa Bećirovića za dopunu dnevnog reda nije usvojen, poslanici iz Kluba SDP-a napustili su sjednicu.

Predsjedavajući je konstatirao da 35. sjednica Predstavničkog doma ima sljedeći

DNEVNI RED

1. Usvajanje Zapisnika 34. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Izvještaj komisije Kolegija Predstavničkog doma o nastojanju za postizanje saglasnosti o Zahtjevu poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.;
4. Prijedlog zakona o pružanju besplatne pravne pomoći, predlagač: Vijeće ministara BiH, broj: 01,02-02-1-1789/16, od 28.6.2016. (drugo čitanje);
5. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlagač: Vijeće ministara BiH, zakon broj: 01,02-02-1-1510/16, od 13.7.2016. (drugo čitanje);
6. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopunama Zakona o akcizama u Bosni i

- Hercegovini, predlađač: Vijeće ministara BiH, zakon broj: 01,02-02-1-1853/16, od 7.7.2016. (prvo čitanje), skraćeni postupak;
7. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini, predlađač: Vijeće ministara BiH, zakon broj: 01,02-02-1-1854/16, od 7.7.2016. (prvo čitanje), skraćeni postupak;
 8. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda, predlađač: Vijeće ministara BiH, zakon broj: 01,02-02-1-1855/16, od 7.7.2016. (prvo čitanje), skraćeni postupak;
 9. Prijedlog zakona o izmjenama Zakona o zaštiti i dobrobiti životinja, predlađač: Dom naroda Parlamentarne skupštine BiH, zakon broj: 01,02-02-1-669/16, od 18.7.2016. (prvo čitanje);
 10. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Damir Arnaut, zakon broj: 01-02-1-1950/16, od 18.7.2016. (zakon u prvom čitanju);
 11. Izvještaj o radu Komisije za odlučivanje o sukobu interesa za 2015. godinu, broj: 01,02,03-50-19-2071/16, od 29.7.2016.;
 12. Izvještaj o slobodi govora i stanju medijskih sloboda u Bosni i Hercegovini, broj: 01-50-1-1575/15, od 18.7.2016. (realizacija poslaničke inicijative usvojene na 25. sjednici Predstavničkog doma Parlamentarne skupštine BiH, održanoj 16.2.2016.);
 13. Razmatranje poslaničke inicijative Maje Gasal-Vražalice, podnesene 12.7.2016., koja glasi: *"Zadužuje se Vijeće ministara BiH da, najkasnije u roku od 60 dana od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi izvještaj o mladima u Bosni i Hercegovini"*, akt broj: 01-50-1-1906/16.

Ad.1. Usvajanje Zapisnika 34. sjednice Predstavničkog doma Parlamentarne skupštine BiH

Nakon uvodnih napomena predsjedavajućeg, primjedbu za dopunu Zapisnika istakao je Nikola Lovrinović. Tražio je da se u zapisnik unesu prijedlozi zaključaka čiji je on predlađač, a o kojima se Dom nije izjašnjavao.

Zapisnik 34. sjednice, s dopunom poslanika Nikole Lovrinovića, usvojen je jednoglasno, s 35 glasova "za" (iz Federacije BiH 22, iz Republike Srpske 13).

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- Senad Šepić – postavio pitanje i uputio inicijativu Vijeću ministara BiH,

- **Mirsad Donlagić** - uputio pitanja Vijeću ministara BiH i Kolegiju Predstavničkog doma,
- **Maja Gasal-Vražalica** – uputila devet pitanja Ministarstvu zdravstva Federacije BiH,
- **Šefik Džaferović** - uputio pitanja Vijeću ministara BiH.

Sadržaj postavljenih pitanja i inicijativa je sljedeći:

Maja Gasal-Vražalica

Pitanja postavljena Ministarstvu zdravstva Federacije BiH:

1. „Da li postoji odluka Ministarstva zdravstva FBiH kojom je regulirano pravo na dva pokušaja medicinski potpomognute oplodnje, te ako postoji, molim vas da mi je priložite uz pisani odgovor.
2. Da li Ministarstvo kojim rukovodite odvaja određena novčana sredstva i u kojem iznosu za ovu namjenu (MPO)?
3. Kojim je pravilnikom, podzakonskim aktom, reguliran postupak za odobrenje podvrgavanju MPO-u, a koje bi pokrili zavodi zdravstvenog osiguranja (ZZO)?
4. Ko i kako vrši izbor parova/osoba kojima će biti odobren postupak MPO-a, koji bi bio pokrili ZZO-i?
5. U kojim je kliničkim centrima na području BiH moguće podvrgnuti se postupku MPO-a?
6. Da li zavodi zdravstvenog osiguranja na nivou kantona FBiH refundiraju troškove ako se postupci vrše u privatnim klinikama u BiH? Ako je odgovor da, molim vas da mi navedete odluke i kantone u kojima su takve odluke na snazi.
7. Liječenje reproduktivnih organa zahtijeva konzumiranje određenih lijekova, pa vas molim da mi dostavite spisak lijekova koji su na esencijalnoj listi u BiH (ako jesu na listi), te njihovu cijenu uz procjenu mjesečnog izdavanja novca za parove koji se liječe.
8. Također vas molim da mi dostavite komparativnu analizu koliko ti lijekovi koštaju u zemljama regiona (Republika Hrvatska, Srbija, Slovenija, Crna Gora).
9. Molim vas da mi dostavite pregled koliko je Ministarstvo zdravstva FBiH, odnosno zavodi zdravstvenih osiguranja kantona FBiH do 2016. godine, imalo zahtjeva za refundiranje ili odobrenje troškova MPO-a.
10. Postoji li zvanični postotak parova u FBiH koji se liječe od steriliteta?

Šefik Džaferović

Pitanja postavljena Vijeću ministara BiH: „Da li su ispoštovani propisi Bosne i Hercegovine u vezi s učešćem pripadnika policije MUP-a entiteta Republika Srpska u zajedničkoj policijskoj vježbi s pripadnicima policije Republike Srbije koja je održana 28.8.2016. u zoni graničnog prijelaza između Bosne i Hercegovine i Republike Srbije, na teritoriji Republike Srbije? Ovo se posebno odnosi na pitanja da li su pripadnici policije entiteta Republika Srpska imali odobrenje institucija države Bosne i Hercegovine za učešće u ovoj vježbi? Da li su ispoštovane odredbe zakona kojim se regulira pitanje učešća vojnih, policijskih i državnih službenika u misijama izvan Bosne i Hercegovine)? Da li su i na koji način ispoštovane procedure koje se tiču granične kontrole, posebno one koje se tiču prelaska državne granice, te iznošenje opreme i naoružanja iz Bosne i Hercegovine? Potrebno je da se u odgovoru osvrnete i na sve druge aspekte organizacije navedene policijske vježbe.“

Tokom sjednice poslanik **Senad Šepić** postavio je pitanje Vijeću ministara BiH.

Sadržaj postavljenog pitanja je sljedeći:

Pitanje postavljeno Vijeću ministara BiH: „U kojoj je fazi utvrđivanje teksta Zakona o sprečavanju govora mržnje u Bosni i Hercegovini?“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje **Borjane Krišto**, postavljeno u usmenoj formi na 33. sjednici, odgovor dostavilo Ministarstvo vanjske trgovine i ekonomskih odnosa BiH.
- Na pitanja **Maje Gasal-Vražalice**, postavljena u usmenoj formi na 31. i 33. sjednici, odgovore dostavilo Vijeće ministara BiH i Ministarstvo civilnih poslova BiH.
- Na pitanje **Dušanke Majkić**, postavljeno u usmenoj formi na 34. sjednici, odgovor dostavilo Ministarstvo pravde BiH, te na pitanje postavljeno u pisanoj formi na 33. sjednici, odgovor dostavilo Vijeće ministara BiH.
- Na pitanje **Safera Demirovića**, postavljeno u usmenoj formi na 34. sjednici, odgovor dostavilo Vijeće ministara BiH.
- Na pitanje **Jasmina Emrića**, postavljeno u pisanoj formi na 34. sjednici, odgovor dostavila Uprava za indirektno oporezivanje BiH i na pitanje postavljeno u usmenoj formi na 34. sjednici Vijeće ministara BiH prosljedilo odgovor Ministarstva finansija i trezora BiH.
- Na pitanja **Hanke Vajzović**, postavljena u pisanoj formi na 32. sjednici, i na pitanje postavljeno u usmenoj formi na 34. sjednici, odgovore dostavilo Vijeće ministara BiH.
- Na pitanja **Damira Arnauta**, postavljena u pisanoj formi na 23. i 33. sjednici, odgovore dostavilo Vijeće ministara BiH.
- Na pitanje **Denisa Bećirovića**, postavljeno u usmenoj formi na 33. sjednici, Vijeće ministara BiH prosljedilo odgovor Ministarstva sigurnosti BiH.
- Na pitanje **Borislava Bojića**, postavljeno u usmenoj formi na 33. sjednici, Vijeće ministara BiH prosljedilo odgovor Ministarstva za ljudska prava i izbjeglice BiH.

Dostavljene odgovore komentirali su poslanici: **Damir Arnaut**, **Hanka Vajzović**, **Borjana Krišto**, **Nikola Lovrinović** i **Dušanika Majkić**.

Damir Arnaut izrazio je nezadovoljstvo odgovorom dobivenim od Ministarstva vanjskih poslova BiH. Također, izrazio je zadovoljstvo odgovorom dobivenim od Ministarstva vanjske trgovine i ekonomskih odnosa BiH i odnosom ministra **Mirka Šarovića** kada su upitanju odgovori na poslanička pitanja.

Hanka Vajzović rekla je da je zadovoljna što je dobila odgovor u vezi s pitanjem upotrebe faksimila, ali ne i njegovim sadržajem. Istakla je nezadovoljstvo odgovorom dobivenim na usmeno postavljeno pitanje, u vezi s opravdanošću postojanja pojedinih državnih institucija.

Borjana Krišto izrazila je nezadovoljstvo odgovorom dobivenim od Ministarstva vanjske trgovine i ekonomskih odnosa, jer smatra da je nepotpun i istakla da će tražiti puni odgovor.

Nikola Lovrinović zatražio je da mu se potvrdi da je upućena urgencija za dostavljanje odgovora od RTV-a Federacije BiH, jer još nije dobio odgovor na svoje pitanje. Također, ponovo je izrazio nezadovoljstvo jer od Tužilaštva Bosne i Hercegovine nije dobio odgovore na pet, šest postavljenih pitanja, te najavio da će na prvoj narednoj sjednici postaviti usmeno pitanje o načinu i ponašanju Tužilaštva BiH kada je u pitanju poslanik i odgovori na poslanička pitanja.

Ad.3. Izvještaj komisije Kolegija Predstavničkog doma o nastojanju za postizanje saglasnosti o Zahtjevu poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.

Predsjedavajući je dao uvodne napomene, zatim dao na glasanje Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku. „Za“ je glasalo 13 poslanika, 12 je bilo „protiv“ (iz Federacije BiH pet, iz Republike Srpske sedam) i 11 „suzdržanih“. Predsjedavajući je konstatirao da je Zahtjev za razmatranje Prijedloga zakona po hitnom postupku **usvojen** u drugom krugu glasanja.

Predsjedavajući je otvorio raspravu o Prijedlogu zakona. U raspravi su učestvovali: Maja Gasal-Vražalica, Damir Arnaut, Zaim Backović, Mensura Beganović, Damir Bećirović, Nikola Lovrinović i Mirsad Donlagić.

Nakon rasprave, predsjedavajući je na glasanje dao Prijedlog zakona. „Za“ je glasalo 18 poslanika (iz Federacije BiH 17, iz Republike Srpske jedan), 16 je bilo „protiv“ i jedan „suzdržan“. Prijedlog zakona nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, sa 18 glasova „za“, 16 „protiv“ (iz Federacije BiH pet, iz Republike Srpske 11) i jednim glasom „suzdržan“, Prijedlog zakona o izmjeni Zakona o Javnom radiotelevizijskom sistemu Bosne i Hercegovine **nije usvojen**.

Ad.4. Prijedlog zakona o pružanju besplatne pravne pomoći, predlađač: Vijeće ministara BiH, broj: 01,02-02-1-1789/16, od 28.6.2016. (drugo čitanje)

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 29 glasova „za“ (iz Federacije BiH 22, iz Republike Srpske sedam), šest „protiv“ i bez glasova „suzdržan“, **usvojio** u drugom čitanju Prijedlog zakona o pružanju besplatne pravne pomoći.

Ad.5. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: Vijeće ministara BiH, zakon broj: 01,02-02-1-1510/16, od 13.7.2016. (drugo čitanje)

Nakon uvodnih napomena, otvorena je rasprava. Nije bilo prijavljenih.

Dom je, s 22 glasa „za“ (iz Federacije BiH 15, iz Republike Srpske sedam), šest „protiv“ i sedam glasova „suzdržan“, usvojio u drugom čitanju Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine.

Ad.6. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopunama Zakona o akcizama u Bosni i Hercegovini, predlagač: Vijeće ministara BiH, zakon broj: 01,02-02-1-1853/16, od 7.7.2016. (prvo čitanje), skraćeni postupak

Nakon uvodnih napomena, otvorena je rasprava. Nije bilo prijavljenih.

Dom je, s 30 glasova „za“ (iz Federacije BiH 18, iz Republike Srpske 12), bez glasova „protiv“ i šest glasova „suzdržan“, odredio produženje roka Komisiji za finansije i budžet do 15.9.2016. za dostavljanje mišljenja o Prijedlogu zakona o izmjenama i dopunama Zakona o akcizama u Bosni i Hercegovini.

Ad.7. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini, predlagač: Vijeće ministara BiH, zakon broj: 01,02-02-1-1854/16, od 7.7.2016. (prvo čitanje), skraćeni postupak

Nakon uvodnih napomena, otvorena je rasprava. Nije bilo prijavljenih.

Dom je, s 31 glasom „za“ (iz Federacije BiH 18, iz Republike Srpske 13), bez glasova „protiv“ i pet glasova „suzdržan“, odredio produženje roka Komisiji za finansije i budžet do 15.9.2016. za dostavljanje mišljenja o Prijedlogu zakona o izmjeni Zakona o sistemu indirektnog oporezivanja u Bosni i Hercegovini.

Ad.8. Izjašnjavanje Predstavničkog doma o utvrđivanju novog roka za dostavljanje mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda, predlagač: Vijeće ministara BiH, zakon broj: 01,02-02-1-1855/16, od 7.7.2016. (prvo čitanje), skraćeni postupak

Nakon uvodnih napomena, otvorena je rasprava. Nije bilo prijavljenih.

Dom je, s 31 glasom „za“ (iz Federacije BiH 18, iz Republike Srpske 13), bez glasova „protiv“ i pet glasova „suzdržan“, odredio produženje roka Komisiji za finansije i budžet do 15.9.2016. za dostavljanje mišljenja o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda.

Ad.9. Prijedlog zakona o izmjenama Zakona o zaštiti i dobrobiti životinja, predlagač: Dom naroda Parlamentarne skupštine BiH, zakon broj: 01,02-02-1-669/16, od 18.7.2016. (prvo čitanje)

Predsjedavajući je dao uvodne napomene i otvorio raspravu. U raspravi su učestvovali: Maja Gasal-Vražalica, Zaim Backović i Dušanka Majkić.

Dom, s 14 glasova „za“ (iz Federacije BiH 11, iz Republike Srpske tri), 14 glasova „protiv“ i osam glasova „suzdržan“, nije usvojio u prvom čitanju Prijedlog zakona o izmjenama Zakona o zaštiti i dobrobiti životinja.

Ad.10. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Damir Arnaut, zakon broj: 01-02-1-1950/16, od 18.7.2016. (zakon u prvom čitanju)

Predsjedavajući je dao uvodne napomene.

Dom je, s 21 glasom „za“, devet „protiv“ (iz Republike Srpske) i šest glasova „suzdržan“, u drugom krugu glasanja usvojio Prijedlog zakona o izmjeni Zakona o plaćama i naknadama u institucijama Bosne i Hercegovine u prvom čitanju.

Ad.11. Izvještaj o radu Komisije za odlučivanje o sukobu interesa za 2015. godinu, broj: 01,02,03-50-19-2071/16, od 29.7.2016.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 20 glasova „za“ (iz Federacije BiH 15, iz Republike Srpske pet), 14 „protiv“ i dva glasa „suzdržan“, usvojio Izvještaj o radu Komisije za odlučivanje o sukobu interesa za 2015. godinu.

Ad.12. Izvještaj o slobodi govora i stanju medijskih sloboda u Bosni i Hercegovini, broj: 01-50-1-1575/15, od 18.7.2016. (realizacija poslaničke inicijative usvojene na 25. sjednici Predstavničkog doma Parlamentarne skupštine BiH, održanoj 16.2.2016.)

Nakon uvodnih napomena, predsjedavajući je otvorio raspravu. Diskutirao je Borislav Bojić.

Dom je, s 20 glasova „za“ (iz Federacije BiH 13, iz Republike Srpske sedam), 11 „protiv“ i pet glasova „suzdržan“, usvojio Izvještaj o slobodi govora i stanju medijskih sloboda u Bosni i Hercegovini.

Na prijedlog Zajedničke komisije za ljudska prava PSBiH, s 30 glasova „za“ (iz Federacije BiH 23, iz Republike Srpske sedam), šest „protiv“, bez glasova „suzdržan“, usvojeni su zaključci koji glase:

- 1. Zadužuje se Vijeće ministara BiH da dostavi novi izvještaj o slobodi govora i stanju medijskih sloboda u Bosni i Hercegovini (realizacija poslaničke inicijative usvojene na 25. sjednici Predstavničkog doma Parlamentarne skupštine BiH, održanoj 16.2.2016.), koji treba sadržavati izvještaje: Ministarstva pravde BiH, Ministarstva sigurnosti BiH i Ministarstva za ljudska prava i izbjeglice BiH o slobodi govora i stanju medijskih sloboda u Bosni i Hercegovini.***

2. *Zadužuje se Vijeće ministara BiH da dostavi sveobuhvatnu informaciju o svim potezima različitih organa i institucija u BiH, koji nisu u skladu s čl. IV. 3. j) i čl. II. 3. g) i h) i i) Ustava BiH.*
3. *Zajednička komisija za ljudska prava će, nakon dobivenih izvještaja, organizirati tematsku sjednicu, na kojoj će predmet rasprave biti Izvještaj o slobodi govora i stanju medijskih sloboda u BiH, a na koju će biti pozvane državne i entitetske institucije, međunarodne i domaće organizacije, koje se bave ovim pitanjima, te će o tome izvijestiti oba doma Parlamentarne skupštine BiH.*

Ad.13. Razmatranje poslaničke inicijative Maje Gasal-Vražalice, podnesene 12.7.2016., koja glasi: "Zadužuje se Vijeće ministara BiH da, najkasnije u roku od 60 dana od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi izvještaj o mladima u Bosni i Hercegovini", akt broj: 01-50-1-1906/16

Nakon uvodnih napomena, predsjedavajući je otvorio raspravu. U raspravi su učestvovali: Maja Gasal-Vražalica, Nikola Lovrinović, Momčilo Novaković i Milica Marković.

Dom je, s 30 glasova „za“ (iz Federacije BiH 23, iz Republike Srpske sedam), tri „protiv“ i tri glasa „suzdržan“, usvojio inicijativu poslanice Maje Gasal-Vražalice, koja je modificirana uz pristanak predlagateljice, te sada glasi: „Zadužuje se Vijeće ministara BiH da, najkasnije do kraja 2016. godine, sačini i u parlamentarnu proceduru dostavi izvještaj o položaju mladih u Bosni i Hercegovini“.

Sjednica je završena u 13,25 sati.

Sastavni dio Zapisnika je transkript 35. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja



PREDSJEDAVAJUĆI
PREDSTAVNIČKOG DOMA
Mladen Bosić

Mladen Bosić

